

Collation de chapelle fourès,  
consuls

L an mil six cens cinquante huict et le premier  
jour du mois de septembre apres midy regnant  
louis & a par devant moy notaire et presans  
les tesmoins bas nommes dans la ville de  
villemur eta a compareu en personne m(aître)  
**jean fourès pbre (lire : prêtre) et recteur du lieu del termé**  
residant audit villemur lequel ayant la  
presence de messieurs m(aître) estienne  
hugonenc no(tai)re jean esquier, salvy fournales  
consuls modernes de ladicte ville leur a dit  
et representé que feu **guiolles auroit**  
**fondé a l honneur saint jacques dans l eglise**  
**saint jean dudict villemur une chapelle**  
**pour y dire les messes et faire le service**  
**divin** selon son intention, donné et laisse  
certains biens fonds scis dans ceste jurisdiction  
expecifiés a plain dans le titre de ladicte  
fondation la jouissance desquels biens  
appartiendroict au pbre uy feroict ledict  
service prealablement ladicte chapelle  
luy avoir esté accolée et conferée par **les**  
**sieurs consuls** dudict villemur lesquels  
a ces fins ledit guiolles institua **patrons**

ii<sup>e</sup>. lvi.

**d icelle** chapelle en suite de laquelle  
fondation feu m(aître) **barthelemy vernhes pbre**  
**et recteur dudict villemur lieu du born** et  
plusieurs autres pbres au paravant et apres  
luy auroint jouy desdicts biens jusqu( ) a  
presant que ladicte **chapelle se trouve vaquante**  
**par le decès de feu m(aître) alexis tremolieres**  
**pbre et viquaire** de ladicte ville **arrivé le**  
**despuis le dix huictiesme de juillet dernier**  
quy en estoit le dernier titulaire et le paisible  
et **vray possesseur depuis trante ans**  
c est pourquoy en ladicte qualitté de  
patrons ledit sieur fourès a requis lesd(its)  
sieurs consuls y presans et pries iceuc  
de luy vouloir conferer ladicte chapelle  
avec tout ce quy en depend sous la promesse  
qu( ) il fait de satisfaire aux conditions  
portes par la fondation sur quoy lesd(its)  
sieurs hugonenc esquier et fournales consuls  
patrons duement certifiés de ce dessus  
et de la vertu probitté susfissance capacitté  
& bonne vie et moeurs dudict sieur  
fourès pbre et recteur du termé de leur  
bon gré pure et franche volonté tout dol

fraude paction vicieuze et illicitte cessant  
par lé presant acte ont donné accordé  
et conferé volontairement et gratuitement aud(it)  
sieur foures donnent accordent conferent et  
nomment ledit sieur m(aître) jean foures pbre  
et recteur presant et acceptant et tres humblement  
remerciant lesdicts sieurs consuls patrons  
de ladicte chapelle fondée a l honneur  
saint jacques dans l eglise saint jean  
de ceste ville droictz profictz  
esmollumans biens honneurs et revenus  
en dependans & consentent qu( )il en prenne  
la reelle actuelle et corporelle possession  
quand et comme bon luy sambléra pour par  
ledit sieur foures en jouir comme vray  
chapellain et tout ainsin et en la mesme  
maniere que ~~fesoit~~ faisoit ledit feu m(aître)  
alexis tremolieres dernier titulaire de lad(ite)  
chapelle et autres ses devantiers a la charge  
neanmoins par ledit sieur foures de faire  
le divin service porté par lad(ite) fondation  
ce qu( )icelluy sieur foures a promis ausd(its)

ii<sup>e</sup>. vii.

sieurs consuls patrons lesquels se  
sont reserves le droict de patronnage de la  
mesme chapelle pour y pouvoir le cas de  
vacuation arrivant tel pbre de qualité  
et capacité convenable que bon leur semblera  
duquel acte les parties ont requis moy  
dit no(tai)<sup>re</sup> rettenir l original scavoir lesditz  
sieurs consuls pour la conservation de  
leur droict de patronnage & ledit sieur  
foures pour luy servir de titre pour  
en prendre possession et faire le divin service  
et en percevoir les profictz dependans  
d iceux concedé et fait en presance  
de noble francois de roquier residant en  
sa maison des pairaux et gabriel malpel  
et jean bousquet pra(tici)en de vilemur signes  
avec les parties quy scavent et moy notaire

Hugonenc, [con]sul,            Esquie, consul

J. Foures, pbre                De Roquier

Malpel

Bousquet                      Custos, not. r.